



Piket Gestions Tecnicas

Il plan d'organisaziun dal piket da las Gestions Tecnicas per l'on 2022 es gnü acceptà da la suprastanza cumünala. Il piket garantischa üna prontezza da lavur al lö bsögnaivel.

Tscherna mandat extern administraziun da fabrica

La suprastanza cumünala ha surdat il mandat extern per l'administraziun da fabrica a la firma Caprez SA, Zernez.

EW Zernez - OE Sarsura - attach electric - rinforzaint dals cabels - decisiun da proget e da submittents

Pel proget d'attach electric per l'ouvra electrica Sarsura esa stat da decider da princip sur da la realisaziun dal proget e sur dals submittents per furnir e trar aint ils cabels da mezza tensiun. L'inizi da proget es gnü fat bun e la glista dals submittents es gnüda sancziunada.

EW Zernez - OE Sarsura - attach electric - rinforzaint extraordinari - approvaziun da credit e decisiun da proget

L'ouvra electrica Sarsura dess gnir tachada illa rait da l'EW Zernez. Per redüer la perdita da prestaziun sül traget da la staziun da transfuormaziun Patscheider fin illa staziun da transfuormaziun Sarinera faja sen da far ün rimplazzaint e rinforzaint da la rait da mezza tensiun. La suprastanza cumünala ha approvà l'inizi da proget e deliberà ün credit extraordinari da 190'000 chf.

Cumischiuns e delegaziuns cumünalas - surlavuraziun 2022

Il chanzlist ha surlavurà il register da las cumischiuns e delegaziuns cumünalas e preschantà a la suprastanza üna proposta pels adattaments. La suprastanza cumünala ha decis sur da las commemoranzas, delegaziuns etc. pel 2022.

Radunanza cumünala - tractandas provisoricas dals 21 marz 2022 - decisiun da sdir giò la RC

Causa mancanza da tractandas ha la suprastanza cumünala decis da sdir giò la radunanza cumünala dals 21 marz 2022. La prosma radunanza cumünala varà lö ils 25 mai 2022.